



CONFORME A ESTOS MOTIVOS EN EL REPORTORIO DE MIGUEL DEL MOLINO, SOBRE

la glosa del mismo Priuilegio de XX. vna persona muy
graue, que ha seruido a su Magestad en los Conse-
jos de la Corte, y Audiencia muchos años,
de su mano, y letra tiene aduer-
do lo siguiente.



Vltra hoc Priuilegium de XX. vidi vnam copiã
confirmationis eius, factam in Curijs Genera-
libus, habitis Cæsaraugustæ in Conuentu, &
Ecclesia Prædicatōrū, die Dominica, quæ erat,
vt dicitur ibi 5. nonas Octobris, anno 1283, &
id vocāt (licet male) actum Curia, per quam dictus Rex Pe-
trus, ad supplicationem omnium, qui aderant, confirmauit
hoc Priuilegium de XX. & iurauit, & filius eius.

Sed ibi fuit duplex supplicatio, altera per omnes, altera
per solos Cæsaraugustanos, & in cōfirmatione roborat so-
la Cæsaraugustana Priuilegia. Vnde potest interpretatio ef-
se ambigua, vt id, quod specialiter est petatum, sit roborat-
um, non omnia omnium rogantium Priuilegia, & super
dubitatione sensus, & mentis Regis esset interpretatio, co-
quod eius est interpretari, cuius est cōdere, *l. fin. C. de legib.*

Item, licet omnes supplicarunt, non tamen postea legi-
tur eos laudasse in Curijs, & approbasse id Priuilegium, &
quatuor Brachia robur huic Priuilegio dedisse, vt vim fori
haberet, non tamen est satisfrogare legem ferri, nisi postquã
lata est, promulgata sit, lecta, publicata, registrata, & in quasi
possessionem transferit (quod ibi non legitur) & de con-
sensu omnium assistentium.

Rursus potest dici, non fuisse ibi Generales Curias, quia
Calataiubieneses, & Tirasonenses, & Darocenses, & Monti-

sonenses, Bielsa, Aynsa, Exea, Lalmunia, Fraga, Maella, & Villa de Cariñena non consensit, nec interfuit, nec dimidium Regni fuerunt, soli de Osca, Barbastro, Iacca, Teruel, y desta vn solo Sindico, Alcañiz, Nabal, Alquezar.

Verum est tamen, quod dicit plures alios eiusdem Regni, plena Curia, & paulo infra dicit, quod hi supplicarunt pro se, & alijs Vniuersitatibus, quæ præsentibus non erant, sed non habebant posse ab absentibus, neq; erant plenæ Curia; & fortè eas procurauit Cæsaraugusta, tunc ad cautelam, vt Regem deciperet, quod credibile est, cum maior pars Regni abfuerit, & Vniuersitatum, nec fuit vllus Nobilis de Nobiliū Brachio, qui nō esset Cæsaraugustan. quamuis alij dicant fuisse multos, sed, vt ex thenore confirmationis cōstabit, neq; fuit vllus Sacerdos, vel Episcopus de Brachio Ecclesiæ, & maior pars Brachij Vniuersitatum deerat, nec cōstat quod vocati fuerint, neq; dicit Priuilegium illud, vocatos fuisse ad tales Curias, sed solum illos, qui specificantur congregatos.

Demum ad medium ait, cum cautela, pro se, & alijs, qui præsentibus non erāt, nobis humiliter supplicauerunt. Notemus autē, nō quod supplicauerunt pro se, sed pro Cæsaraugusta; imò omnes contra se supplicarunt præsentibus, & Cæsaraugusta. Idè miscuit vnā generalē rogationem, & postea in fine, & cauda illius suam particulare interfuerit, super qua sola dat Priuilegium Rex, & iurat cum filio primogenito.

Vnde noluerunt postea illi præsentibus subscribere Priuilegio, sed siluerunt, neq; consenserunt, vt vim fori haberet: vnde patet Priuilegium de XX. non esse forum, neque Actum Curia.

Constat etiam ex prædictis luce meridiana clarius, Regem fuisse deceptum valde, & cautelam fuisse Cæsaraugustanorum nimis palpabilem. Itaq; miror, viros doctissimos Iurisperitos nu. 24. qui sunt Molinos, Sancta Cruz, Dō Lopez, Castillo, Anchias, Ximenez de Aragues, Tafalla, Lunel, Puc-

Pueyo, Gamir, Orera, Martinez, Bordalba, Garcia, Torres, Saluerte, Albacar, Romeo, Lofilla, Blancas, Cassabona, Ta-
guenca, & la Caballeria, sensisse, non posse habere recursum,
ad vllum Tribunal mūdi, eum, qui per hos XX. idiotas, ma-
iori ex parte eorum (salua eorundē reuerentia) debito mo-
do condemnatur, cum non sit potestas Regia in Aragonia,
& sola ipsa valeat hoc Priuilegio, si modo deceptus Rex
dedit legitimo modo, & non potius errans, & cum existi-
marent pro se alijs rogare, cum contra se rogarint errantes,
& nihil de eorum rogatione dederit Rex, cum maior pars
Regni abfuerit, neq; vocata sit, cū nō approbatum, nec pro-
mulgatū fuerit Priuilegium, sed solū concessum, & confir-
matum per Regem, & non de consensu quatuor Brachio-
rum specialiter Ecclesiastici: in illis enim Curijs nullus Sa-
cerdos, ex thenore Priuilegij memoratur interuenisse.

Videte autem in Foris, quando tales Curiaē celebratae
sunt, si aderant Episcopi, & clam eis absentibus bonum es-
set probare hoc Priuilegium fuisse confirmatum, vel pro-
bare tales Curias, talis temporis non esse in Foris.

Postremo nota, quod istud confirmatum fuit eodem die,
quo generale Priuilegium Aragonum, & eisdem praesenti-
bus, quod habetur fol. 6. in Foris, sed non est subsignatum
ita, & forte non fuit testificatum. Vide originale.

Præterea etiam, quod per mendacium obtinuerint istud
Priuilegium, constat palpabiliter in re tam seria, & graui,
tamq; disputata in Curijs vnus Regni inclyti, vtrum potest
dici, quod prudentes, & bonus Rex vna hora, & die simul
duo contraria statuerint? alterum, quod non esset Regia po-
testas in toto Aragonum Regno, & postea eadē hora, quod
daret Regiam potestatem Cæsaraugustanis XX. viris: quod
noluit dare totum Regnum Regi suo, dedit Regnum XX.
aduersarijs, Regiam potestatem, & non solum Regiam, sed
etiam tyranicam? Et esto quod dedisset, vtrum dedisset abu-
sum, vt XX. abutantur eadem? Nam si Rex non deducit
hanc à Regibus potestatem, minus eam habere potest Cæ-
sa-

Caſarauguſta à ſuo Rege, ſed à Regno, & Rege ſimul, Regnum non erat iunctum, nec vocatum (vt patet) & ſi eſſet, quomodo id, quod negaſſet ſuo Regi, dediſſet XX. viris, vt eſſent ipſi de re ſua Iudices, partes, & executores, cum id Regi, &c.

Notemus autem, quod erāt boni viri, & prouidi, & prudentes, ac præſentes Ciues illic, & per eorum leges ipſa regatur Aragonia, & defendat ſtatuta in illis Curijs authenticoco modo, & ſicut Rex. Quod ſi tyranide facit Caſarauguſta ob ſuum Priuilegium, ita Ciuitates aliæ Aragonum.

Item nota, quod in illis Curijs 1283. per Petrum factis nō fuit Priuilegium Generale factus Forus, ſed annis poſtea 68 per Regem Petrum II. vt conſtat titulo, quod Priuilegium generale, & declaratio ipſius ſint Fori, & pro Foris habeantur, quod ſtatutum fuit in Curijs Petri II. anno 1348. & ideo hoc factum eſt poſterius ius, quia non erant Curia generales illæ Petri Primi, & Dominus Rex non poteſt Foros facere, niſi in Curijs generalibus, vt probat *Molin. ſupra hoc lib. fol. 157. §. Foros in Aragonia*, & vide quæ ibi allegantur, & proba bene, vt poteris.

Et dato (non tamen conceſſo) quod Priuilegium illud generale fuiſſet factum in Curijs generalibus, adhuc ſic argumentor. Si Priuilegium illud generale concernens bonū commune, & vniuerſale, etiam ſi eſſet inſertum inter Foros, & in volumine ipſorum (quod dici non poteſt de Priuilegio de XX.) ad hoc vt eſſet Forus, & pro Foro obſervaretur, fuit neceſſaria expreſſa declaratio, & ſtatutum Petri II. dicto anno 1348. A fortiori ergo dicendum eſt, quod ad hoc, vt Priuilegium de XX. ſit Forus (quod Priuilegium nō eſt vniuerſale, ſed particulare Caſarauguſtanorum) eſt neceſſaria expreſſa declaratio in Curijs generalibus facta: ſed vbi nam eſt?